

BOSNA I HERCEGOVINA
Konkurencijsko vijeće



БОСНА И ХЕРЦЕГОВИНА
Конкуренцијски савјет

MIŠLJENJE

po Zahtjevu privrednog subjekta Industrija mesa ZP Komerc d.o.o. Vršani

**Sarajevo,
april 2025. godine**



Broj: 07-26-7-006-2/25
Sarajevo, 24. april 2025. godine

Konkurencijsko vijeće Bosne i Hercegovine, na osnovu člana 25. stav (1) tačka f) Zakona o konkurenciji ("Službeni glasnik BiH", br. 48/05, 76/07 i 80/09), a po Zahtjevu za davanje mišljenja privrednog subjekta Industrija mesa ZP Komerc d.o.o. Bijeljina, Vršani 50, 76 325 Vršani, Bosna i Hercegovina, zaprimljen dana 03.03.2025. godine pod brojem: 07-26-7-006-1/25, na 26. (dvadesetšestoj) sjednici održanoj dana 24. aprila 2025. godine, je donijelo

MIŠLJENJE

Konkurencijsko vijeće Bosne i Hercegovine (u daljem tekstu: Konkurencijsko vijeće) je dana 03.03.2025. godine pod brojem: 07-26-7-006-1/25 zaprimilo Zahtjev za davanje mišljenja privrednog subjekta Industrija mesa ZP Komerc d.o.o. Vršani, Vršani 50, 76 325 Vršani, Bijeljina, Bosna i Hercegovina (u daljem tekstu: ZP Komerc ili Podnosilac zahtjeva) u vezi obaveze prijave namjere koncentracije u postupku spajanja sa pripajanjem, u smislu člana 12. stav (1) pod a) i člana 14. stav (1) Zakona o konkurenciji (u daljem tekstu: Zakon).

U Zahtjevu se navodi sljedeće:

- Privredni subjekt ZP Komerc, koji je u (..)**¹⁰% vlasništvu fizičkog lica (..)** , namjerava izvršiti postupak pripajanja privrednog subjekta Semberska industrija mesa Biosimes d.o.o. Bijeljina, Vršani bb, 76 325 Vršani, Bijeljina, Bosna i Hercegovina (u daljem tekstu: Biosimes ili Ciljano društvo) koji je u (..)**% vlasništvu (..)**;
- Namjeravano pripajanje izvršit će se sporazumom i ugovorom nakon izrade završnog računa te dobijanja mišljenja Konkurencijskog vijeća;
- Obzirom da je riječ o pripajanju subjekata čiji su vlasnici kapitala ujedno i supružnici, Podnosilac zahtjeva traži stručno mišljenje Konkurencijskog vijeća obzirom da nije siguran da li namjeravano pripajanje podliježe obavezi prijave koncentracije, u skladu sa članom 12. Zakona.

Pored navednog, u Zahtjevu se dalje navodi da je pretežna registrovana djelatnost Podnosioca zahtjeva, proizvodnja mesa i proizvoda od mesa, a Ciljanog društva farmerski tov stoke - uzgoj svinja i uzgoj ostalih goveda, što je potvrđeno i Izvodima iz sudskog registra privrednih subjekata koji su priloženi uz Zahtjev.

¹ podaci predstavljaju poslovnu tajnu

Podnosilac zahtjeva je klasifikovan kao veliki privredni subjekt koji se aktivnostima veleprodaje bavi na području cijele Bosne i Hercegovine, ima vlastitu maloprodajnu mrežu sa (..) ** maloprodajnih objekata/mesnica (lokacijski smješteni u Bijeljini, Brčkom, Zvorniku, Doboju, Modriči, Derventi, Tesliću i Ugljeviku), te povremeno obavlja izvoz mesa u Tursku i Crnu Goru. U 2024. godini zapošljavao je (..) ** radnika.

Privredni subjekt Biosimes je klasifikovan kao srednje veliki privredni subjekt te je na kraju 2024. godine zapošljavao (..) ** radnika. Nema maloprodaju, a uglavnom svu tovljenu stoku prodaje privrednom subjektu ZP Komerc. Tov svinja obavlja na vlastitim farmama, a tov junadi na farmi u zakupu od Podnosioca zahtjeva.

Ukupni godišnji prihodi za 2024. godinu privrednih subjekta ZP Komerc i Biosimes prikazani su u Tabeli 1.

Tabela 1.

Ukupan godišnji prihod 2024 (KM)		
	ZP Komerc Podnosilac zahtjeva	Biosimes d.o.o. Bijeljina Ciljano društvo
Svijet	(..) **	(..) **
BiH	(..) **	(..) **

Izvod: podaci iz Zahtjeva

Bitno je napomenuti da je, prema navodima iz Zahtjeva, od ukupnog godišnjeg prihoda Ciljanog društva u 2024. godini koji je iznosio (..) ** KM, iznos od (..) ** KM osvaren međusobnom razmjenom sa Podnosiocem zahtjeva.

U (..) ** % vlasništvu (..) ** je i privredni subjekt ZP AGRAR d.o.o, Novo naselje br 1, Brezovo Polje bb, Brčko distrikt kao i komercijalno Poljoprivredno gazdinstvo u Vršanima, Vršani br. 234, Bijeljina koja se bave isključivo tovom junadi i na kraju tova prodaju Podnosiocu zahtjeva. ZP AGRAR d.o.o. se bavi uzgojem ostalih goveda kao svojom osnovnom registrovanom djelatnošću.

Ukupni godišnji prihodi za 2024. godinu privrednog subjekta ZP AGRAR d.o.o. iznosio su (..) ** KM, a Poljoprivrednog gazdinstva u Vršanima (..) ** KM te su cjelokupno ostvareni u Bosni i Hercegovini.

U (..) ** % vlasništvu (..) ** je i privredni subjekt BIO AGRAR d.o.o., Novo naselje br 1, Brezovo Polje bb, Brčko Distrikt i komercijalno poljoprivredno gazdinstvo u Vršanima, Vršani br. 234, Bijeljina koja se bave isključivo tovom junadi i na kraju tova prodaju Podnosiocu zahtjeva. BIO AGRAR d.o.o. se bavi uzgojem ostalih goveda kao svojom osnovnom registrovanom djelatnošću dok se poljoprivredno gazdinstvo u Vršanima, Vršani br. 234, Bijeljina bavi uzgojem svinja.

Ukupni godišnji prihodi za 2024. godinu privrednog subjekta BIO AGRAR d.o.o. iznosio je (..) ** KM, a Poljoprivrednog gazdinstva u Vršanima (..) ** KM te su cjelokupno ostvareni u Bosni i Hercegovini.

Postupajući po podnesenom Zahtjevu, analizom svih dostavljenih podataka i činjenica iz Zahtjeva, a na osnovu odredbi Zakona o konkurenciji, Konkurencijsko vijeće daje sljedeće mišljenje:

Zakon o konkurenciji u članu 12. propisuje koja postupanja na tržištu od strane privrednih subjekata predstavljaju koncentraciju dok član 14. istog Zakona propisuje koji se uslovi na tržištu trebaju ispuniti da bi postojala obaveza prijave koncentracije.

Koncentracijom, u smislu člana 12. stav (1) Zakona, smatra se:

- a) spajanje ili pripajanje nezavisnih privrednih subjekata ili dijelova privrednih subjekata;
- b) sticanje kontrole ili prevladavajućeg uticaja jednog, odnosno više privrednih subjekata nad drugim, odnosno nad više drugih privrednih subjekata ili dijelom drugog privrednog subjekta, odnosno dijelovima drugih privrednih subjekata, i to:
 - 1) sticanjem kupovinom većine dionica ili udjela osnovnog kapitala; ili
 - 2) sticanjem većine prava glasa; ili
 - 3) na drugi način, u skladu s odredbama zakona koji reguliraju osnivanje privrednih subjekata i njihovo upravljanje;
- c) zajedničko ulaganje na dugoročnoj osnovi, dva ili više nezavisnih privrednih subjekata, koji djeluju kao nezavisan privredni subjekt.

U smislu člana 12. stav (2) Zakona, sticanje kontrole se ostvaruje putem prava, zaključivanjem sporazuma ili drugim sredstvima kojima jedan ili više privrednih subjekata, bilo posebno, bilo zajednički, uzimajući u obzir sve pravne i činjenične okolnosti, stječu mogućnost ostvarivanja dominantnog utjecaja nad jednim ili više privrednih subjekata.

Obzirom da je predmetna transakcija iz Zahtjeva pripajanje kroz kupoprodaju dva neovisna privredna subjekta, privredni subjekt ZP Komerc, koji je u (..)***% vlasništvu fizičkog lica (..)***, namjerava izvršiti postupak pripajanja privrednog subjekta Biosimes d.o.o. Bijeljina, čiji je (..)***% vlasnik (..)***, namjeravana kupoprodaja jeste koncentracija, u skladu sa odredbama člana 12. Zakona, neovisno o činjenici što je riječ o pripajanju subjekata čiji su vlasnici kapitala ujedno i (..)**.

Namjeravanu koncentraciju privrednih subjekata, iz člana 12. stav (1) Zakona, učesnici koncentracije su obavezni prijaviti, kada su ispunjeni sljedeći uslovi iz člana 14. Zakona i to:

- a) da ukupni godišnji prihod svih učesnika koncentracije ostvaren prodajom roba i /ili usluga na svjetskom tržištu iznosi 100.000.000 KM po završnom računu u godini koja je prethodila koncentraciji; i
- b) da ukupni godišnji prihod svakog od najmanje dva privredna subjekta učesnika koncentracije ostvaren prodajom roba i /ili usluga na tržištu Bosne i Hercegovine iznosi najmanje 8.000.000 KM po završnom računu u godini koja je prethodila koncentraciji, ili ako je njihovo zajedničko učešće na relevantnom tržištu veće od 40%.

U ukupni godišnji prihod iz stava (1) člana 14 Zakona, kako je propisano stavom (2) istog člana, neće se računati prihod koji ti privredni subjekti ostvare međusobnom razmjenom.

Imajući u vidu da su oba privredna subjekta sa sjedištem i prebivalištem u Bosni i Hercegovini, u skladu sa odredbom člana 2. Odluke o načinu podnošenja prijave i kriterijima za ocjenu koncentracija privrednih subjekata („Službeni glasnik BiH“, broj 34/10), ukoliko su ispunjeni uslovi iz člana 14. tačka b) Zakona.

U tom smislu, a na osnovu navoda iz Zahtjeva kao i podataka o ukupnim godišnjim prihodima iz 2024. godine, učesnici koncentracije nisu ispunili uslov ukupnog godišnjeg prihoda svakog od najmanje 8.000.000 KM po završnom računu u godini koja je prethodila koncentraciji (2024. godini) svakog od najmanje dva privredna subjekta učesnika koncentracije ostvaren prodajom roba i /ili usluga na tržištu Bosne i Hercegovine (privrednih subjekta ZP Komerc i Biosimes) što implicira na nepostojanje obaveze podnošenja prijave koncentracije Konkurencijskom vijeću.

Što se tiče učestvovanja na tržištu, riječ je o privrednim subjektima koji su poslovno povezani vertikalno na način da je Ciljano društvo svojim aktivnostima pretežno usmjereno na Podnosioca zahtjeva tako što svoj uzgoj stoke uglavnom prodaje privrednom subjektu ZP Komerc (čija je pretežna registrovana djelatnost proizvodnja mesa i proizvoda od mesa), čak i svoj tov junadi obavlja na farmi koju zakupljuje od Podnosioca zahtjeva. Ciljano društvo je tako veći dio svog godišnjeg prihoda iz 2024. godine ostvario upravo međusobnom razmjenom sa Podnosiocem zahtjeva.

Uzimajući u obzir da je Podnosilac zahtjeva je u 2024. godini na tržištu klanja goveda u Bosni i Hercegovini ostavario udio od (..)** % ((..)** % u 2023. godini), a na tržištu klanja svinja udio od (..)** % ((..)** % u 2023. godini) ne postoji sumnja ni da je njihovo zajedničko učešće na tržištu farmerskog tova stoke - uzgoj svinja i uzgoj ostalih goveda veće od 40%.

Slijedom navedenog, ne postoji obaveza podnošenja prijave koncentracije Konkurencijskom vijeću, u smislu odredbi člana 14 Zakona.

Konkurencijsko vijeće daje ovo mišljenje isključivo na osnovu podataka navedenih u Zahtjevu, te ukoliko dati podaci odstupaju od stvarnog činjeničnog stanja ovo mišljenje se ne može primijeniti.

Predsjednik

Ivo Jerkić